

এইচএসসি

মহম্মদপুরে ৬ দিন পর
উত্তরপত্র উদ্ধার : কেন্দ্র
সচিবকে অব্যাহতি

প্রতিনিধি, মহম্মদপুর (মাজরা)

মহম্মদপুর উপজেলা সদরের কাজী সালিম হক মহিলা কলেজ কেন্দ্রে চলতি এইচএসসি পরীক্ষার ইংরেজি প্রথমপত্রের একটি উত্তরপত্র পরীক্ষার ৬ দিন পর গত মঙ্গলবার বিকেলে উদ্ধার করেছে উপজেলা নির্বাহী অফিসার এএনএম মঈনুল ইসলাম। উদ্ধারকৃত ইংরেজি প্রথমপত্রের উত্তরপত্রটি কেন্দ্র সচিব ও অধ্যক্ষ মো. আমিমুল হকের ছেলে হুমায়ুন আজাদের এমন তথ্যের ভিত্তিতে জন্ম করেন ইউএনও। এ ঘটনায় গতকাল অব্যাহতি : পৃষ্ঠা : ১১ ক : ৬

অব্যাহতি : সচিবকে

(১ম পৃষ্ঠার পর)

বুধবার কেন্দ্র সচিব মো. আমিমুল হককে অব্যাহতি দেয়া হয়েছে।

গত বৃহস্পতিবার থেকে এইচএসসি পরীক্ষা শুরু হয়। কলেজের অধ্যক্ষ মো. আমিমুল হকের ছেলে হুমায়ুন আজাদ ওই কেন্দ্রের একজন পরীক্ষার্থী। প্রথমদিন অনুষ্ঠিত হয় ইংরেজি প্রথমপত্রের পরীক্ষা। প্রতিদিনের উত্তরপত্র প্রতিদিন শিক্ষা বোর্ডে পাঠাতে হয়। কেন্দ্র কর্তৃপক্ষ ওএমআর সিটি পাঠালেও উত্তরপত্রটি পাঠাননি।

এলাকাসীরা ধারণা, উত্তরপত্রটি রেখে দিয়ে ১নং থেকে ১৩নং পর্যন্ত সিরিয়ালি উত্তরগুলো তার ছেলেকে দিয়ে লিখিয়ে গত মঙ্গলবার একটিমাত্র উত্তরপত্র আলাদা প্যাকিং করে পাঠানোর সময় বিষয়টি জানাজানি হয়ে যায়।

পরবর্তী সময়ে উপজেলা নির্বাহী অফিসার (ইউএনও) এসে উত্তরপত্রটি জন্ম করে পরীক্ষা নিয়ন্ত্রকের দপ্তরে পাঠান। এ ঘটনায় অধ্যক্ষ ও কেন্দ্র সচিব মো. আমিমুল হককে কেন্দ্র সচিব থেকে অব্যাহতি দেয়া হয়েছে। এ ব্যাপারে উপজেলা নির্বাহী অফিসার এএনএম মঈনুল ইসলাম 'সংবাদ'কে জানান, বিষয়টি শুনে তাৎক্ষণিকভাবে উত্তরপত্রটি জন্ম করে যশোর বোর্ডে পাঠানো হয়েছে। তদন্ত করে প্রয়োজনীয় ব্যবস্থা গ্রহণ করা হবে। কেন্দ্র সচিব ও অধ্যক্ষ মো. আমিমুল হক জানান, উত্তরপত্রটি আমার ছেলের নয়, জ্বলের কারণে এমনটি হতে পারে।